

მწყამსი



მე ვარ მწყამსი კეთილი: მწყამსმან კეთილმან სული თვისი დაჰსდგოს ცხოვართავის. (იოან. 10—11).

ვაოვე ცხოვარი ჩემი წარწემედული. ესრეთ იყოს სინარული ცათა შინა, ერთისათვის ცოდვილისა. (ლუკ. 15—4).

მოკვიდით ჩემდა ყოველნი მასურალნი და ტვირთ-მპიმიენი და მე განგისვენო თქვენ. (მათ. 11—28).

№ 7

1883—1893

15 აპრილს

ნიადაგი ბუყაითობა არის დამაკვირვებელი ყოველი დაწეული საქმისა.

1885 წელს ქ. თბილისში განიზრახეს ძმობის დაარსება უოვლად წმიდა დვთის-მშობლის სახელზედ. ძმობის დანიშნულება იმაში მდგომარეობდა, რომ საქართველოს საექსარხოსოში გაევრცელებიათ მართლ-მადიდებელი ქრისტიანობრივი განათლება. ამ მეტად მშვენიერი და სასარგებლო მიზნის მისაღწევად ძმობას სახეში ჰქონდა დვთის-მსახურების გარეშე საუბრების და სარწმუნოებრივ-ზნეობრივი საზოგადო საშუალებების გამართვა, სადმართო წიგნების გავრცელება, სარწმუნოებრივ-ზნეობითი შინაარსის წიგ-

ნების და სადმართო სურათების გამოცემა და გავრცელება საქართველოს მართლ-მადიდებელ მკვიდრთა შორის და საეკლესიო-სამრევლო წიგნთ-საცავების და წიგნის მადაზიების გამართვა.

როგორც მეთხველი ხედავს, ეს აზრი ფრიად მშვენიერი იყო და სწორედ მოსწრებულ დროსაც მოხდა. დვთის მადლით, ბევრი კეთილნი პირნი აღმოჩნდნენ, რომელნიც სიამოვნებით ჩაეწერნენ ამ ძმობის წევრებად. ძმობამ დაიწყო მოქმედება 1 იანვრიდან 1886 წლისა. ხუთი თვის განმავლობაში ჩვენ ამ ძმობის მონდობილებით გამოვეცი 15,000 წიგნაკი სარწმუნოებრივ-ზნეობრივი შინაარსისა. ამ წიგნაკებს ჩვენვე ვაგზავნიდით საქართველოს საექსარხოსოს უველა სამრევლოებში. თითოეული წიგნაკის ფასი იყო 2 კ. მაგრამ ამ ძმობის თავს-

მჯდომარის განდაცვალების შემდეგ შეჩერდა ამ წიგნაკების ბეჭვდა. ერთი სიტყვით ძმობა პირველ ხანებში ძლიერ მუყაითად მოქმედებდა და სიყვარულობით ეციდებოდა თავისგან ნატვირთ საქმეს, მაგრამ, სამწუხაროდ, ბოლოს ეს მხურვალე სურვილი ძმობისა რაღაცა გავრილდა და დღეს ხსენებული ძმობის მოქმედებაზე თითქმის სრულებით ადარაფერი ისმის. რომ ძმობას ისეთივე მუყაითობით და სიყვარულით ეწარმოებია საქმე, როგორც პირველ ხანებში თავისი არსებობისა, ამ 7—8 წლის განმავლობაში ბევრი რამ სასარგებლო საქმის გაკეთება შეეძლო და საკმაო დონისძიებასაც მოიპოვებდა თავის არსებობისათვის. მაგრამ ჩვენი უბედურობაც ის არის, რომ ჩვენგან განზრახულს საქმეს დიდხანს ვერ მივუვებით ბეჯითობით. დიდის ხალხისთ ვიწყებთ რაიმე საქმეს ჭკობა ხნის შემდეგ ჩვენი ხალხისი და მონდობილება თან-და-თან გრილდება და ბოლოს ჩვენგანვე ნატვირთავ საქმეს თავს ვანებებთ. სწორედ ეს არის მიზეზი, რომ ჩვენში არც ერთი საქმე სისრულიში არ მოსულა, სასურველად არ დამთავრებულა.

საქართველოს ახალმა ექსარხოსმა, ჩვენდა სასინარულოდ, პირველადვე სწორედ ჩვენი სამდვდელოების მოდვაწეობის ამ ნაკლს მიაქცია თავისი მამობრივი ყურადღება და, როგორც ამბობენ, მათი მეუფება ცნობებს ჰკრებს ადნიშნული ძმობის მოდვაწეობის შესახებ. მათ მეუფებას სურს შეიტყოს, თუ რა მოიქმედა ხსენებულმა ძმობამ სავგელესიო-სამრევლო წიგნთ-საცავების და სარწმუნოებრივ-ზნეობრივი შინაარსის წიგნების გავრცელების შესახებ ხალხში. ჩვენ დარწმუნებული ვართ, რომ ამ საგნის შესახებ შეკრებილი ცნობანი დაარწმუნებენ მათ მეუფებას, რომ ძმობის საქმე სანატრელს მდგომარეობაში არ არის; ჩვენ იმასაც ვფიქრობთ, რომ ზოგიერთნი ჩვენი სულიერნი მწყემსნი, თავის გასამართლებლად, ჩვეულებრივ, იმასაც იტყვიან, რომ მათმა სამწყსომ არ იცის წერა-კითხვა, არა აქვს ხალხს სურვილი და მისწრაფება წიგნების კითხვისა და კიდევ რომ იყოს ასეთი სურვილი ხალხში, ვითომც საკითხავი წიგნები არ იმოვებოდეს ჩვენ-

ში. *) მაგრამ ყოველივე ეს იქნება სიკრუე და პირმოთნეობა:—მკითხველებიც ბევრია და საკითხავი წიგნებიც გვემოვება, მხოლოდ საქმის მოთავე კაცები არა გვევანან, რომელთაც მხურვალედ მოჰკიდონ საქმეს ხელი და ჭეშმარიტად ემსახურნენ საზოგადოების სასულიერო ინტერესებს.

ჩვენში, კარგა ხანია, დაარსდნენ წიგნების გამომცემელი ამხანაგობანი, რომელნიც თავიანთ გამომცემულს წიგნებს ათასობით ავრცელებენ ხალხში. რას ამტკიცებს ეს მოვლენა? იმას, რომ ჩვენში ბევრმა იცის წერა-კითხვა და სურვილიც აქვსთ კითხვისა. ჩვენში სარწმუნოებრივ-შინაარსის წიგნებიც ბლომად მოიპოვება. ჩვენ თვითონ 15000 წიგნაკამდე ვბეჭვავთ ყოველ წლებით,— და სადაც კი ხელი მიგვიწვდება, უველგან ბევრი ვრცელდება. ჩვენი წიგნაკები, რომლებშიაც ადწერილი იყო ჩვენი წმიდანები, ჩვენ რამოდენიმე ათასი გავვზავნეთ შეტურბურგში, რომ რუსებისათვისაც გავვცნო ჩვენი ეკლესიის წმიდანები, რადგან მათში ძლიერ მკირე ნაწილს აქვს რიგანი შესედულება ჩვენს ეკლესიაზედ. ზოგიერთი ჩვენი წიგნაკები 300—400 ცალობით გავვიყიდნია ხოლმე ტაძრების დღესასწაულებზე. და ან ვინ იქნება ისეთი, რომ ორი-სამი კაპიე დაიშუროს წიგნაკში.

სამწუხაროდ უნდა გამოვტყუდეთ, რომ თბილისში ჩვენს წიგნაკებს სარწმუნოებრივ-ზნეობრი-

*) ჩვენში, სამწუხაროდ, ბევრნი არიან იმისთანები, რომელთაც თავის ნიჭით და მოქმედებით რომ ვერ დაუმასწურებიათ თავიანთ მთავრობათა ყურადღება, სხვანაირი ორპირული და საქარხი პირმოთნეობით ცდილობენ დაიმსახურონ ყურადღება. ამისთანა პირები ყოველ ამისთანა შემთხვევაში უმტყიცებენ განგებ ზოგიერთებს, რომ ჩვენ ხალხს ვითომც ქართული წიგნების კითხვის სურვილი არა აქვს და საქაროდ ხალხი რუსული წიგნაკების გამოწერას.... ერთი სიტყვით ყველაფერ ქართულზე უარს ამბობენ და პირმოთნეობით ურჩევენ რუსულს ენაზე გამოცემული წიგნაკების სხვა-და-სხვაგვარ მწვალებელთა წინააღმდეგ გამოწერას და ჩვენს ხალხში მათ გავრცელებას, ვითომც ქარველესიო მართლა იყვნენ გავრცელებულნი მწვალებლები!... ჩვენ იმას არ ვამბობთ, რომ ამისთანა შინაარსის რუსული წიგნები სასარგებლონი არ იყოს თავის ადგილას. ჩვენ იმას ვამბობთ, რომ ეს წიგნები ქართველესიოსათვის უსარგებლოა, რადგან საქართველოს ხალხში არასოდეს მწვალებლები არ ყოფილან და არც დღეს არიან. რუსული გაზეთები ბევრს სწერენ სხვა-და-სხვა სკატანტუბზე კავასიაში და მართლაც ბევრნი არიან, მაგრამ ესენი რუსეთიდან არიან გადმოსახლებულნი და არა ადგილობრივ მკვიდრთაგანნი.

ვი შინაარსისას ვავრცელებთ ერთი ურჩის დახმარებით, რომელსაც აქვს წიგნის მაღაზია ამ ქალაქში. განა სასირცხლო და სათაყილო არ არის ჩვენთვის, რომ ამისთანა წიგნებს ურჩის შემწეობით ვავრცელებდით ხალხში მაგრამ რას იზამ, როცა შენთან, შენი თანამომძე ამ გეთიფს საქმეში სრულებით არ გეხმარება! აბა ჩამოიარეთ ჩვენი სატახტო ქალაქ თბილისის უველა მართლ-მადიდებელი ეკლესიები, თუ თქვენ რომელიმე ტაძარში ნახოთ რაიმე წიგნაკი სარწმუნოებრივ-ზნეობრივი შინაარსისა ქართულს ენაზე! ზოგიერთ ადგილას დიდის თავმომწონებით დაუბარებიათ რუსული წიგნაკები «ბაბტისტების» და «მოლაგნების» წინააღმდეგ და ფუფლით რომ არავინ უიფულობს, მუქთად აძლევენ ხელში მლოცველებს. განა ეს არის ჭემ-მარტივი ზრუნვა ჩვენი სამწყსოის სარწმუნოებრივ-ზნეობრივი განათლების და განვითარების შესახებ? არა და არა. დროა, რომ ჩვენი მოვალიეობის მტკიცედ აღსრულებას უურადდება მივაქციოთ და სამწყსოთა ჯეროვანი სულიერი საზრდო მივაწოდოთ.

დ. ლ. ლამაშიძე

მცირე პედაგოგიური შენიშვნა.

ბევრათ უმჯობესია, სვა წყაროს წყალი სათავეშივე, ვინემ მისს წარსადინელზე; უფრო სასარგებლოა, იკითხო კაი წიგნი თვითონ დედანში, ვინემ მრავალი კარგიც რამ დაწერილი იმ წიგნის შესახებ და მის გამოისათ. ამ ქეშმარიტებისთვის ყური მოუკრავს ბ. ლალიაგორელს და ხელმოდებ უარყოფს და მენებლადაც კი სთელის ისეთ სასარგებლო წიგნს, როგორიც არის ახლარლვე გამოცემული «ჯეჯილის» რედაქციისაგან «სურათებიანი ვეფხისტყაოსანი», ამაღად გადმოთქმული გ. იოსელიანისაგან (იხ. «ივერია» № 44). დაუჯერებელია, ისეთმა გამოცდილმა პედაგოგმა, როგორიც არის ბ. იოსელიანი, ასეთი ანტიპედაგოგიური საქმე ჩაიდინოს, და თუ გარჯილა, უთუოთ საფუძველი ექმნებოდა.

ნუ თუ ბ. ლალიაგორელს ჰგონია, ეთომ მშენიერის რისიმე, ხელოვნებითი ნაწარმოების და მისის ძალის შესაგნებათ არავითარი ჯლიქის წაკერა, არავითარი ხელის შეწყობა საჭირო არ არაა; ნუ თუ იგი ფიქრობს, რომ ყმაწვილები და ხალხი თავისთავათ შეიკნებენ მშენიერების გამომქლაპრებას და გატაცებულ იქმნებიან მითი? რომელ ხელოვანს მოუცია ისეთი ნაწარმოები, რომ ერთსა და მასვე დროს საყოველთაოთ მისაწდომიც იყოს და დიდებულიცა? რატომ არ არის კარგი წვრილის ლექსების და საერთოთ არართულის ხელოვნებითი ნაწარმოების ლექვა და ჯიჯგნა, როგორც ეს არი მიღებულ ზოგიერთ ქრისტომატიებში და როგორ უნდა გადიქმნას ლიტერატურული განათლების წესწყობილება, ამაზე დიდი, გამზული მსჯელობაა საჭირო. და აქ ამის განხილვას ვერ შეუდგებით. აქ ვიტყვით მხოლოდ ამას, რომ ყოველივე ხელოვნებითი ნაწარმოები უნდა შესწავლოს კაცმა და შესწავლო ყმაწვილს იმ გზით, რა გზითაც იგი, ნაწარმოები, შექმნილა ავტორის მიერ. ხელოვანს თავდაპირველ გაუფლებს თავში იდეია რომელისამე სამიზნოს გამოისობით. შემდეგ ამ იდეიის გამოსახტავათ ერთბაშად აღუდგინდება გონებაში სიუჯეტი მომავლის ნაწარმოებისა. შეამუშავებს რა ამას ფიქრით, შემდეგ შეუდგება წვრილების, დეტალების დახატვას და ჩონჩხის ხორკთ შესხმას; შემდეგ შეიძლება ნელნელა გარეგნობის შესწორამამოსწორებას, განატიფებას მოანდომოს კიდევ რამოდენიმე დრო და გამოდის მთლიანი ნაწარმოები, თუ ნაწარმოები მარტივი რამ არის, როგორც მაგ. მოკლე ლექსი, მაშინ სამივე ის პროცესი თითქმის ერთბაშად სრულდება. აი ამ უკანასკნელ გვარის ნაწარმოებს არ უნდა ბევრი აღლვევა და ლექვა, რომ არ გაუგრილოს წამკითხველს მისგან მოღებული შთაბეჭდილება. ისეთ რთულ ნაწარმოებს, როგორაც არის «ვეფხისტყაოსანი», უსწავლელი კაცი და «მოზრდილი ყმა» პირდაპირ ვერ შეისწავლის. მისთვის საჭიროა ჯერ შეცულობა იცოდეს პოემისა და მერე თვით პემა წაიკითხოს და შეიგნოს. ბ. იოსელიანს გადმოუღია ეს ვრცელი სუჯეტი «ვეფხისტყაოსნის» და კაცი უქნია. აი რათ: ხატოვნება (воображение) ორნაირია: ზოგს კაცს ემარჯვება დაბოკოს საგნების მხოლოდ ზოგადი მონაქტულობა, სხვებს კი წვლილების გარჩევის უნარი უფრო აქვს. პირველი ამიტომ შენიშვნენ ხოლმე

მსგავსებას ფორმებისას, რომელთაც, რაკი მკაცრი ნაქტები არ აქვთ, შეზავებულნი, გავრთიანებულნი არიან არა ცხად ხატებად—მეტაფორად. ეს არის ხატოვნება ყრმათა და ქაბუკ ხალხთა, რომელთაც ენაც კი ავებულთა მეტაფორებისგან. მეორე გვარი ხატოვნება, პირიქით, რაკი ამჩნევს უფრო ფორმების წვლილებს, სწრაფთა ითვისებს მათ შორის არსებულს განსხვავებას. მეტად გაშლილი განზოგადების ნიჭი ყრმათა სწორეთ იმისგან წარმოდგება, რომ ისინი მსგავსებას უფრო ითვისებენ, ვინემ სხვაობას საგანთა. განსხვავების მომღვობა ერთობ მნებლობითი რამეა, ხატოვნების შრომასა და ძალგამწეობაზე დამოკიდებული, რაისთვისაც გონებითი განვითარებულობაა საჭირო. ყმაწვილი უნდა ხედავდეს მას, რასაც ელაპარაკებიან, როცა კი არ ხედავს, არც გაეგება. იგი ცხადათ ვერ არჩევს ვერც დროს, ვერც ადგილს, ვერც მომქმედ პირებს. ამ შემთხვევაში, მბობა «ვეფხისტყაოსნის» შინაარსისა არის გათვალსაზიროება განყენებულისა, დანახება უხილავისა.

სანამ რამეს ეტყოდ, ინტელექტს მეტადრე ყმაწვილისას, და განუვითარებელ კაცისას, ჯერ უნდა ელაპარაკო მისს გულს, გრძნობებს. ხატოვნებაში რომ დანახა რისიმე შეძლოს, საჭიროა ყოველსავე მისდამი მისართმევს, წინადაგებულს უნდა ჰქონდეს ფორმა, ფერი. გულიც კი უნდა ხედედეს, რომ გრძნობდეს. აი, ეს დანახება შესახებ «ვეფხისტყაოსნისა» იქნება მის შინაარსის წინასწარ მბობა. მაგრამ ისე კი უნდა იყოს ნამბობი, რომ ფაქტები ამოარჩიო, წერილმანები გადაყარო, გააკაშკაშო მხოლოდ ისინი, რომელთაშიც უფრო იხატება სიკოცხლე და ზრდა პოემის იდეისა და ამის გარემოებისა. ამით შემსწავლელს მიეცემა არიანდეს ძაფი გზის გასავენებათ ამ მისთვის ლაბირინტში; გონებას კალო გაუსუფთავდება და სანუკველად გაუხდება მისი შინაგანი შევინება. წინდაწინ უთქმელობა შინაარსისა და ისე კითხვა იქნება უგულებლობა მთელის პოემის სილიადისა, დაბურულ ტყეში ხეტიალი, უყბლანოთ ოკენებზე მოგზაურობა.

ეთქოთ, ყველა ეს შენიშვნები საეჭვოა; არის კიდევ სხვა გვარი გარემოება, რომელიც საჭიროდ ხდის ამ გვარ გამოცემებს ჩვენში. ყოველ წელს, როცა მივადგებით (ზედა კლასში, რასაკვირველია) «ბუნების კარში» შეტანილთ სტატიას შოთა რუსთაველზე და «ვეფხისტყაოსნის» ნაწყვეტებს,

მოსწავლეები დაჯერებით იხვეწებიან: «მოგვიყვი, ბატონო, ვეფხისტყაოსნის ამბავი, მოკლეთ მაინც გეითხარია». უდიერობა იქნება ამ ხვეწნას მასწავლებელმა ყური არ ათხოვოს. რა თქმა უნდა, გათვებისას მასწავლებელმა უნდა დასძინოს, რომ ეს ნამბობი «ვეფხისტყაოსანი» არის მხოლოდ აჩრდილი დედნისა, არის კანვა, რაზედაც მოქარგულია საოცარის ფერადსახეობით დიდებული სურათი პოემისა; რომ ლაზათი, დიადობა და სინატიფე მხოლოდ ტექსტშია, მისს «ხელით ხელ საგოგმანებელ» ლექსებში. რა დიდის ხელოვნებით არის მათში გამოხატული იდეა პოემისა (გამარჯვება სიყვარულის ყოველგვარ დაბრკოლებაზე), ამას დანახევებს თვითონ ტექსტის კითხვა და გადაკითხვა. საჭიროა მხოლოდ ორი-სამი შესანიშნავი ადგილები განმარტებით წაკითხო მოსწავლეებს მასწავლებელმა (მკოდნე პირმა), თუნდ ის ნაწყვეტები, «ბუნების კარში» რომაა შეტანილი და, მაშასადამე, ნება დართული; დასწავლო კალოზე გარმონიული კითხვა შაირსტყვისა და მერე თვით იციან მოსწავლეებმა. ჩვენს გარემოებაში ამის მეტი დრო არ დარჩება მასწავლებელს ამისთვის.

როცა ამ გვართ საქმის დაჭერა უნაყოფოთ არ ჩადის, ამას ამტკიცებს ის ფაქტი, რომ ბევრს მოსწავლეთაგანს შეუძენია იაფფასიანი, ოზურგეთს გამოცემული «ვეფხისტყაოსანი», ზედ ეს «ჯეჯვლის» რედაქციის გამოცემაც მიუჩინძენს და მით დაუფუძნებია თავისი პაწა ბიბლიოთეკა. რა დასაწუნია ეს გამოცემა, როცა ამითი არათუ მოსწავლეებს, მასწავლებელთაც კი უადვილდება «ვეფხისტყაოსნის» გატნობება. განა ყველა მასწავლებელთ შეუძლიათ ისე დალაგებით მოყოლა ამ პოემის შინაარსისა, როგორც ეს აქვს ბ. იოსელიანს? ჩვენ დარწმუნებული ვართ, მალე მეორე გამოცემა იქნება საჭირო და ეს იქნება უტილობელი დამრღვევი ბ. ლალიაგორელის მიერ გამოთქმული მწუნარობისა. მას რომ სამოწმო ადგილები ამოუწერია «ვეფხისტყაოსნითგან», ისინი, მართლდა, ყველასთვის გასაგებია. მაგრამ ათის იმდენი ნაწყვეტების ამოღება შეიძლება და დამტკიცება, რომ ისინი ყველასთვის გასაგები არ არიან. თუნდაც რომ არა, შინაარსის მბობა წინდაწინ მაინც და მაინც საჭიროა.

ამიტომ ჩვენ ვურჩევთ ბ. იოსელიანს მეორე გამოცემისთვის უფრო შეიმუშაოს, უფრო პოეტური ხასიათი მისცეს შინაარსს, ნახატები გამარაველოს და

მ წ ე მ ს ი

ო ზ ი ც ი ა ლ უ რ ი გ ა ნ ე ქ ო ზ ი ლ ე ბ ა .

1861 წლამდე არსებული წმინდის აღდგინება ხაზინიდან ნელ-ნელა უშუალოდ დანიშნვისა სამღვდელთაგან შემდგარად.

უწმიდესი სინოდის ობერ-პროკურორის უქვეშევრდომილეს ანგარიშში მართლ-მადიდებელი აღსარების უწყების შესახებ 1888 და 1889 წწ., სამღვდლოების ნივთიერ მდგომარეობის შესახებ მუხლში, სხვათა შორის, ნათქვამი იყო შემდეგი: სამრევლო სამღვდლოების ნივთიერად უზრუნველყოფის შესახები კოხხეა შედგენდა არა მცირე ზრუნვას ყველა მთავრობათა ხელმწიფე იმპერატორის პეტრე I მეფობის დღემდე. მაგრამ ეს კოხხეა საფუძვლით არ იქმნა გადაწყვეტილი, ვინაიდან ერთის მხრით ვერ აღმოაჩინეს საკმაო საშუალებანი, რათა შესაფერად განეკარგებიათ ნივთიერი მდგომარეობა სამღვდლოებისა რუსეთის ვებერთელა სახელმწიფოში, და მეორეს მხრით საძნელო შეიქნა ყველა საჭირო ცნობათა შეკრება ყველა საეკლესიო კრებულთა მდგომარეობასა და საჭიროებაზე მთელს იმპერიაში. უმეტესი თავს-გამოდებით ჭკარდაწყვეტილთა კოხხეის ვარდაწყვეტას შეუდგა ნეტარხსენებული იმპერატორი ნიკოლოზ პავლეს ძე, რომელმაც თავის მეფობის პირველ წლებიდანვე განსაკუთრებული მზრუნველობა მიჰქცია სამღვდლოების ნივთიერი მდგომარეობის გაუმჯობესობას, როგორც მზრუნველობაც კიდევ გამოხატა თავის სახელწოდებულს უქაზში უწმ. სინოდისადმი, 11 იანვრიდან 1828 წლისა შემდეგი სიტყვებით: «განუწყვეტელს ჩვენს მზრუნველობაში ყველა ჩვენ ერთგულ ქვეშევრდომთა კეთილდღეობის შესახებ, სამღვდლოების მდგომარეობა მომეტებულად იქცევა ჩვენს განსაკუთრებულ ყურადღებას. მტკიცედ მრწამს, რომ კეთილი ქრისტიანული ჩვეულებანი შეადგენენ უპირველეს საფუძველს საზოგადოებრივი კეთილდღეობისას, ხოლო ჩვეულებანი იწრთვნებიან სამღვდლოე-

ბის ღარიგებით და მაგალითით; ჩვენ მუდამ მოწადინებულნი ვიყავით, რათა სამღვდლო დასს ჰქონებოდა ყოველივე საშუალება ახალთაობის განათლებით, რომელიც ეკლესიის მოსამსახურედ ემზადება და მასთან თავისი მსახურებაც მზრუნველ და შესაფერი ღირსებით განელოს, რათა სამღვდლოების მოღვაწეობა არ დაბრკოლოს ქვენიურმა მზრუნველობამ და ლუკმა ჰურის მოპოების ცდამ. სხვა-და-სხვა შემთხვევის დროს განუტყდა რა უწმ. სინოდს ჩემი აზრი და სურვილი ამ დიდად საჭირო საგნების შესახებ, ჩვენ საკეთილოდ ესცანით ამით ხელახლად ვბრძნოთ, რათა უწმიდესმა სინოდმა უსათუოდ წარმოგიდგინოს ჩვენ ღონისძიებანი, რომელსაც ის დაინახავს საჭიროდ, რათა ერთის მხრით უფრო წარმატებით წაეიდეს სამღვდლოთა ახალთაობის განათლების საქმე და მეორეს მხრით, რომ პირნი, რომელნიც სასულიერო წოდებიათვის ემზადებიან, განსაკუთრებით სამრევლო სამღვდლოებისა, ნივთიერად უზრუნველყოფილ იქმნენ ყველგან და განსაკუთრებით ღარიბ სამრევლოებში».

ამ უმაღლესი ბრძანების აღსრულებისათვის უწმ. სინოდმა შემდეგ 1829 წელში წარადგინა უქვეშევრდომილესი მოხსენება შესახებ მისა, თუ როგორ უნდა გაუმჯობესდეს საეკლესიო კრებულთა ნივთიერი მდგომარეობა, რომლის შესახებაც გამოიცა 6 დეკემბერს იმავე წლისას უმაღლესი ბრძანება, რათა, სხვათა შორის, დანიშნულ ყოფილიყო ყოველ წლებით 1830 წლიდან უწმიდესი სინოდის განკარგულებაში 500,000 მანეთი ქალაქის ფული, რომ ამ თანხიდან დანიშნულა ჯამაგირი უფრო ღარიბ სამრევლოების კრებულთ. ამის შემდეგ უწმ. სინოდის ობერ-პროკურორის და სახელმწიფო ქონებათა მინისტრის ხელმძღვანელობის ქვეშ დაარსებულმა განსაკუთრებულ სარჩევლო კომიტეტმა, რომელსაც უნდა გამოენახა საშუალება სამრევლო სამღვდლოების ნივთიერი მდგომარეობის გასაუმჯობესებლად,

შემდეგ ჯეროვან ცნობათა შეკრებისა ყველა სამრევლო სამღვდლოების რაოდენობასა, მდგომარეობასა და საჭიროების შესახებ იმპერიაში, საუკეთესო და უნამდვილეს საშუალებად სამრევლო სამღვდლოების მდგომარეობის გასაუმჯობესებლად დანიხა სამღვდლოებისათვის მუდმივი შემწეობის დანიშნა ხაზინილამ და ამ მიზნით შეიმუშავა ნორმალური შტატები კრებულთა შესანახავად. ეს შტატები უმაღლესად დამტკიცებულ იქნა აპრილის 4 დღეს 1842 წ. და სამღვდლოებისათვის ამ შტატით ჯამაგირების დანიშვნის შესახებ იმავე 1842 წ. უმაღლესად ნაბრძანები იქნა მიეცათ ხაზინილამ საჭირო თანხა. ამ სახით ხაზინილამ 1842 წ. დანიშნულ იქნა ყოველწლიურად სამღვდლოების შესანახავად 415,000 მ.; 1843 წელ.—1,000,000 მ. 1844 და 1845—ყოველწლიურად 250,000 მ.; 1846 წლიდან 1860 წლამდე (გარდა 1858 წლისა) ყოველ წლიურად 100,000 მ.; ასე რომ 1861 წლისათვის სამრევლო სამღვდლოების შესანახავად 1842 წლის შტატით უწმ. სინოდის ხარჯთა-აღრიცხვით ყოველ წლიურად ინიშნებოდა 3,715,000 მან. ეს ფულები დანიშნის და გვარად ნაწილდებოდა თავდაპირველად დასავლეთის მხარის სამღვდლოების შესანახავად, ხოლო შემდეგში რუსეთის და სიბირის დანარჩენ მხარეებშიაც. შემდეგ 1861 წელში საფინანსო ხარჯთა-აღრიცხვის შედგენის ახალი წესის შემოღებისა და ხარჯთა-აღრიცხვაში ახალი კრედიტების დანიშვნის მოხდენისა შემდეგ ფინანსთა მინისტრის დაკითხვისა, ხაზინილამ ნელ-ნელა ფულების დანიშნა სამღვდლოების შესანახავად რუსეთის დანარჩენ ეპარქიებში მოისპო და მთავრობა შეუდგა ადგილობრივ საშუალებათა გამოანახვას, რომ შემდეგში უზრუნველ ეყო სამღვდლოება. მაგრამ 1862 წელში ამ მიზნით დაარსებულმა განსაკუთრებულმა მართლ-მადიდებელი სამღვდლოების საკრებულომ, თავის 23 წლის მოღვაწეობის განმავლობაში, ვერ გამოანახა ვერავითარი სხვა საშუალება სამღვდლოების შესანახავად, გარდა სამრევლოების შემოკლებისა და ამის გამო სამღვდლოების რიცხვის შემცირებისა იმ მიზნით, რომ ამით გაედიდებიათ ჯამაგირი დანარჩენ ეკლესიების კრებულთათვის. ამისთანა ზომას თან მოჰყვა ბევრი სამწუხარო შედეგები ბევრ შემთხვევაში და, სხვათა შორის, ამ ზომამ გააძლიერა მწვალებლობა; რუსეთის დანარჩენი ნაწილის სამღვდლოების ნივთიერი მდგომარეობის

გაუმჯობესობის გათხევა, რომელიც ასე წარმატებით მიდიოდა 1842 წ. 1860 წლამდე, ამ უკანასკნელი წლიდან სრულებით არ წაწეულა წინ. მხოლოდ იყო კერძო შემთხვევები, რომელნიც გამოწვეულ იქნენ განსაკუთრებითი გარემოებით, რომელთა მეხებით, უწმ. სინოდის წარდგინებებით, ინიშნებოდა ფულები სამღვდლოების შესანახავად სხვა-და-სხვა ადგილებში. ამგვარად, პოლშის აჯანყების შემდეგ მესამოცე წლების დასაწყისში მთავრობამ საჭიროდ დანიხა დასავლეთის მხარის სამღვდლოებისათვის ჯამაგირების გადიდება. წინააღმდეგ თავდაპირველ ნორმალური შტატებისა. 1867 წელში პრიბალტიის მხარის განსაკუთრებულ პირობათა გამო, გადიდებულ იქნა რიგის ეპარქიის სამღვდლოების ჯამაგირები, ასე რომ ჯამაგირებით აქაური სამღვდლოება გათანასწორებულ იქნა ნემცების პასტორებთან. 1875 წელში, შემდეგ ხოლმსკო-გრეკო-უნიატების ეპარქიის მართლმადიდებელ ეკლესიასთან შემოერთებისა, დანიშნულ იქნა განსაკუთრებული თანხა შემოერთებული სამღვდლოების შესანახავად. დღევანდელს ბედნიერ მეფობის დროს ხაზინილამ დანიშნულ იქნა კარგად დიდი თანხა კავკასიის სამღვდლოების შესანახავად, და აგრეთვე რიგის და კამჩატკის ეპარქიებში ახლად დაარსებულ კრებულთათვის, სათათრეთილამ ახლად შემოერთებულ სამთავროებში და რუსეთის სხვა განაპირა მხარეებში.

დღეს იმპერიის სამრევლო სამღვდლოების შესანახავად ხაზინილამ გამოდის 6,329,143 მ., რომელიც ნაწილდება 19,000 სამრევლოების კრებულთა შესანახავად, როდესაც ყველა სამრევლო ეკლესიების რიცხი რუსეთში აღის 39,000-დღე. ამ აღნიშნული 6. 329,143 მ. 3.650,000 მანეთი მიდის დასავლეთის, პრიბალტიის, პრივისლიანსკის და კავკასიის ეპარქიების კრებულთა შესანახავად, დანარჩენი 2.680,000 მ. ნაწილდება რუსეთის და სიბირის სხვა-და-სხვა კუთხეებში; ევროპის რუსეთის შინა ეპარქიებში ეს მადლი დღემდის არ არის გავრცელებული, ასე რომ მოსკოვის, ვლადიმირის, იაროსლავის, ვიატიკის, რიაზანის, ტვერის ნაწილში, ტულის, ვორონეჟის, ტამბოვსკის, პენზის ნაწილში, ნიჟეგოროდის, სიბირსკის, ორლოვის, კურსკის, დონის და კიშინევის ეპარქიების სამრევლო სამღვდლოების უმეტესი ნაწილი დღემდისაც იძულებულია დაკმაყოფილდეს იმ საფასით, რომელსაც მათ აძლევენ რაიმე მღვდლო-

მოქმედების აღსრულებისათვის და სახელმწიფო მიწების ზიციმით და ხაზინილამ კი არაფერს შემწვობას არ იღებს.

ამ სახით სამრეწლო სამღვდლოების ნივთიერი მდგომარეობის გაუმჯობესობის საქმე, რომელიც ასე წარმატებით იქნა დაწყებული ნეტარსენებელი იმპერატორის ნიკოლოზ პავლეს ძის სურვილით, დარჩა დაუმთავრებელი, — და ისიც ამისთანა ეპარქიებში, რომლებიც შეადგენენ რუსეთის სახელმწიფოს გულს, — მხოლოდ იმის გამო, რომ აუხეიეს იმ გზას, რომელიც ამისათვის იყო ნაჩვენები ხელმწიფე ნიკოლოზ პავლეს ძისაგან; და რომ შემდეგ მეფობათა დროსაც მთავრობას განეგრძო სელა სამღვდლოების ნივთიერად გაუმჯობესების საქმეში ამ გზით, მაშინ დღეს ყველა ეპარქიების სამღვდლოება ისარგებლებდა იმ მცირე შემწვობით, რომელიც დანიშნულ იქმნა სამრეწლო სამღვდლოებისათვის 1843 წელში ყველა შემდეგ მთავრობათა, აგრეთვე ყველა კომიტეტებმა და მართლ-მადღებელ სამღვდლოების საქმეთა არსებულმა საკრებულომ ვერ შეიძლეს გამოახე ვერავითარიმე სხვა საშუალებისა სამღვდლოების ნივთიერი მდგომარეობის გასაუმჯობესებლად. ცხადია, რომ შემდეგშიაც არ შეიძლება გამოინახოს სხვა უფრო ნამდვილი საშუალებანი ამ საქმისათვის, იმ წესის აღდგენისა, როგორც წესიც აღდგენილ იქმნა იმპერატორ ნიკოლოზ პავლეს ძისაგან და რომელიც მოქმედებდა 1842 წლიდან 1860 წლამდე, ე. ი. ნელ-ნელა გადადებულ იქმნეს ხაზინიდან უწმინდესი სინოდის განკარგულებაში 100,000 მანეთი მაინც ყოველ წლობით იქნობამდე, სანამ რუსეთის ყველა ეპარქიებში არ ექნება დანიშნული ჯამაგირი სამღვდლოებას. ამ მიზნის მიხვევა მოსპობდა იმ სამწუხარო უსწორ-მასწორობასაც, რომლის გამო დღეს იმპერიის სამღვდლოების უმეტესი ნაწილი არ სარგებლობს ერთი იმ უმთავრესი უფლებით, რომელიც მინიჭებული აქვს ყველას, მთავრობის თვით მცირე მოსამახურეთაც კი. იმ მოსახურების წინააღმდეგ, ვითომ შემდეგშიაც არ შეიძლება სხვა უფრო საიმედო საშუალებათა გამოახევა სამღვდლოების ნივთიერი მდგომარეობის გასაუმჯობესებლად, გარდა იმ წესის აღდგენისა, როგორც აღდგენილ იქმნა იმპერატორ ნიკოლოზ პავლეს ძისაგან და რომელიც მოქმედებდა 1842 წლიდან 1860 წლამდე, ე. ი. რომ ყოველ წლობით ხაზინიდან

ნელ-ნელა ინიშნებოდეს უწმ. სინოდის განკარგულებაში 100,000 მანეთი მაინც იქნობამდე, სანამ ყველა ეპარქიებში დანიშნებოდეს სამღვდლოებას შემწვობა, მისმა იმპერატორებითი უდიდებულესობამ კეთილ ინება თავისი საკუთარის ხელით დაწერა: ფრად სასწრველად აღდგენილ იქმნეს ეს წესი.

ამის შემდეგ ყოველად უმოწყალებმა ხელმწიფე იმპერატორმა, რომელიც მუდამ მამობრივად ზრუნავს თავის კეთილ-მორწმუნე ქვეშევრდომთა დღეკეთილობისათვის, პირის პირ განუცხადა ფინანსთა მინისტრს თავისა უმაღლესი ნება, რათა გამოახულ იქმნეს საშუალებანი, რომ ნელ-ნელა უზრუნველ იქმნეს სამრეწლო სამღვდლოება ამ მდგომარე წლიდან მოყოლებული: ამ უმაღლესი ბრძანების აღსასრულებლად უწმ. სინოდის ობერ-პროკურორმა დეკემბერში ამა წლისა შეიტანა წარდგენილობა სახელმწიფო რჩევაში, რომ 1893 წლისათვის დანიშნულ იქმნეს ხაზინიდან სამღვდლოების შესანახად 250,000 მ. და შემდეგშიაც ნელ-ნელა ინიშნებოდეს დამატებითი თანხა იქნობამდე, სანამ მთელი იმპერიის სამღვდლოებას დანიშნებოდეს შემწვობა. სახელმწიფო რჩევისაგან მოხდენილს დადგენილობაზე, რათა უწმ. სინოდის საფინანსო ხარჯთა-აღრიცხვაში ამ მიმდინარე წლისა შეტანილ იქმნეს აღნიშნული თანხა, 28 დეკემბერს წარსული წლისა გამოვიდა შემდეგი უმაღლესი ნება-რთვა.

უწმიდესმა სინოდმა მიიღო რა დიდის ნუგეშით ამავეი მისი იმპერატორებითი უდიდებულესობის ასეთ ყოველად მოწყალებ ყურადღებისა მართლ-მადიდებელი სამღვდლოების საჭიროების შესახებ, უწინარეს ყოველისა დაადგინა შესწიროს უფალსა ღმერთსა სამადლობელი ლოცვა კეთილმორწმუნე ხელმწიფისა და სრულიად მისი უავგუსტოვის სახლობის მშვიდობისა და მრავალ-ქამიერობისათვის, როგორც ვედრებაც შესრულებულ იქმნა დღესასწაულებრივი მსახურებით ისაკიების საკრებულო ტაძარში იანვრის 24 დღესა. ამასთან ერთად მიანდო ობერ-პროკურორს მიართვას მის იმპერატორებით უდიდებულესობას შემდეგი წერილობითი მადლობის გრძობათა გამოძახებეი აღრესი უწმიდესი სინოდისაგან ამ შემთხვევისა გამო:

„უბეთილმსახურესო ხელმწიფევ!

თქვენი მეფობის პირველი დღეებიდანვე შენ, როგორც უმაღლესს მფარველს მართლ-მადიდებელი

ეკლესიისას, თქვენ კეთილმსახურ წინაპართა მსგავსად, ყოველთვის ყურადღებით და მხურვალე მონაწილეობით შედიოდით ეკლესიის მოსამსახურეთა მდგომარეობაში, განსაკუთრებით სამრევლო სამღვდლოების მდგომარეობაში, და საჭირო შემწეობას მიაღწენდით იქით, სადაც სიღარიბე და საჭიროება უფრო თვალსაჩინოდ იხედებოდა და ცხადად სჩანდა. დღეს, არა მიმხედველა კერძო შემწეობათა, შენ მიხედვით შენი პაპის ნეტარსენებულის იმპერატორის ნიკოლოზ პავლეს ძის ბრძნულს და კეთილის მყოფელს აზრს, რათა მთელს სამრევლო სამღვდლოებას დაენიშნოს მუდმივი შემწეობა სახელმწიფოდამ და ყოველად უმოწყალებსად ბრძანებ: აღდგენილ იქმნეს ამ აზრის განხორციელება.

ასეთი ხელმწიფური მოწყალების ამბავი გამოუთქმელად გაახარებს ღარიბ მღვდელ-მოსამსახურეთ. იგინი მხურვალედ შეეცდებიან ღმერთს თქვენთვის ღვთის წინაშე. თქვენი ქველის-მოქმედება დაუვიწყარად დაჩვენებთ მთელს ჩამომავლობაში. შემწეობა, რომელიც დღეს ენიშნება სამღვდლოებას, თქვენის, ხელმწიფვე, მოწყალებით, იქონიებს კეთილს შედეგს; ეს შემწეობა გააძნეებს სამღვდლოების მწყემსებრივ მსახურებას, გააგანირებს, აღამაღლებს და გააძლიერებს ამ მოღვაწეობას თქვენთვის ასე დიდად სასურველს ხალხის განათლებას თანახმად მართლ-მადიდებელი სარწმუნოებისა და თქვენი ერთგულებისა საკეთილდღეოდ ეკლესიისა და სახელმწიფოისა.

სინოდი, რომელსაც აწუხება საქრევლო სამღვდლოების მწუხარება და ახარებს მისი მხიარულება, შენს ხელმწიფურს მოწყალებაში სამღვდლოებისადმი ხელდას თავისთვისაც დიდს ნუგეშს და, აღზნებულნი ღმობიერი გრძობით, საღმრთო მოვალეობად რაცხს მოგიზღვენას თქვენ ფერხთა წინაშე თავისი უკულოთადესი მადლობა. შენი მოწყალებისათვის იგი ღოცვით მოიწოდებს ღვთის მოწყალებას და ღვთის კურთხევას შენზე, დიდა ხელმწიფვე, შენს უავგუსტოეს ოჯახობაზე, შენს სახელმწიფოზე, ყოველივე შენს კეთილს სამეუფო საქმეებზე და დაწყებულებებზე, და ღრმა უქვემდებარეობით სიყვარულით ევედრება, რათა დაგიფაროს შენ უფალმა მრავალსა წელსა».

მათა იმპერატორებით უდიდებულესობამ, რომელმანც უმოწყალებსად მიიღო უწმ. სინოდის ასეთი ადრესი, წარსული თებერვლის 28 დღესა კეთილნიება დაწერა მასზე შემდეგი შესანიშნავი სიტყვებისა,

რომელნიც სამუდამოდ დაუვიწყრად დაჩვენებთ სამღვდლოების გონებასა და გულში: „გუფითადად ვმადლობ უწმ. სინოდს გამოთქმულა გრძობისათვის. სრული მხიარული ვიქნები, როცა შევიძლებ უზრუნველ-ვეყო მთელი სამრევლო სამღვდლოება“.

განჩინება უწმიდესი სინოდისა

4 მარტიდამ 1893 წლისა № 519, შესრულებისათვის სავალდებულო უფლისა ღვთისადმი პარაკლისისა მეფის მოწყალებისა მართლ-მადიდებელი სამღვდლოებისადმი.

უქაზისამებრ მისა იმპერატორებითი უდიდებულესობისა, უწმ. უმართებელესმა სინოდმა მოიხმინა: წინადადება უ. ობერ-პროკურორის ამხანაგისა, რომლითაც განუცხადა უწმ. სინოდს, რომ ხელმწიფე იმპერატორმა უმოწყალებსად მიიღო უქვემდებარებელი ადრესი სინოდისა, რომელშიაც გამოხატული იყო მადლობითი გრძობანი ყოველად უმოწყალებსად ბოძებისათვის ხაზინიდან ფულებისა სამღვდლოების შესანახავად და წარსული თებერვლის 26 დღესა უმაღლესად ინება დაწერა: გუფითადად ვმადლობ სინოდს გამოთქმული გრძობისათვის. სრულა მხარული ვიქნები, როცა შევიძლებ უზრუნველ ვყო მთელი სამრევლო სამღვდლოება. ბ რ ძ ა ნ ე ს: დიდას მადლობით უფლისა ღვთისადმი მოვიპოვეთ რა შესანიშნავი სიტყვები უკეთილმსახურესი ხელმწიფე იმპერატორისა, უწმიდესი სინოდი ადგენს: ეს ხელმწიფის მოწყალება გამოეცხადოს სინოდის წევრთ და სხვა ეპარქიების მღვდელ-მთავრებს ცირკულიარულად, «საეკლესიო უწყებაში» დაბეჭდვით, რათა მოიწვიონ მათ მართლ-მადიდებელი სამღვდლოება და ამ დიდად შესანიშნავ შემთხვევისათვის შესრულონ სამადლობელი უფლისა ღვთისადმი პარაკლისი მუხლ-მოდრეკით და წარმოთქმულ იქმნეს მრავალ-ქამიერობა ხელმწიფე იმპერატორისა და მთელი სამეუფო სახელმწიფოსათვის.

1881

ისე გამოაცემინოს. ენის კანონებიც ბევრგანაა დარღვეული, როგორც ეს საერთოთ ყველა ჩვენებურ პროზით მწერლებს აქვსთ დღეს.

არა თუ „ვეფხისტყაოსანი“, არამედ სხვა საყოფლიერო უკვლავი ნაწარმოებებიც რომ გადმოითქვას, როგორც მაგალითად, ტროადინი, ოდისეიანი და სხ. დიდ სარგებლობას მოიტანს. როცა „მოზილ ყმანი“ მომწიფდებიან, დედანს თვითონ წაიკითხვენ და დაწერილებით შეიგნებენ კიდევ.

ქართული ენის მასწავლებელი.

წარკლები რადაქციის მიმართ.

მ. რ. უმორჩილესად გთხოვთ ამ ჩემ მცირე შენიშვნას ადგილი დაუთმოთ თქვენს პატივცემულ გაზეთ „მწყემსში“.

ერთი მეგრელის ოჯახში მე ეიზოვე ერთი შესანიშნავი ძველი ხელნაწერი წიგნი სახელად „სამოთხის ყვავილი“. წიგნს აქვს ცოტად დაძველებული მაგრამ მშვენიერი ყდა, შეიცავს 399 გვერდს, სივრცით საწერი ქალაღლის მეოთხედზე ცოტათ ნაკლებია; ეს წიგნი ისე წერილი ხელით არის ნაწერი, რომ მკითხველს ნაწერის წაკითხვა გაუძნელდება, სანამ არ შეეჩვევა. წიგნი დაყოფილია ათ თავად, და თითოეულს თავში არის დართული ათ-ათი მოთხრობა, მოთხრობაში პირველად არის დარიგება, მერე ისტორიული საუბარი (უმეტესად მონაზვნებზე და ბოლოს შესაფერი დასკვნა. წიგნის თავში ერთს გვერდზე დახატულია ხელით მშვენიერი ყვავილი, და ბოლოს აქვს ორი წარწერა, რომელიც მე აქ უცვლელად მომყავს.

(პირველი წარწერა) „ბეჭედი“

«ღვთივ სულიერსა ამას წერილსა ეწოდების (სამოთხის ყვავილი), მით რომელ წიგნსა მისგან მამათასა. რომელ არს სამოთხე. რჩევით აღმოწერილ არს და დატკობილ საღმრთოთა სიტყვებითა. და განათლებულ სარგებელად სულთა ღვთის მოყვარეთა. ეითარ იგი კაცი ბრძენი შერავალნ მტილს წალკატსა. და მოარჩენ ყვავილთა შვენიერთა და შეკ-

რან ერთად კეთილ-სუნნელთა საყნოსველად მოსურნეთა: და ეითარცა ნერგი შვენიერი ვარჯოვანი სამოთხისა შორის. მზის შარავდელისა მიფენითა გამოიღებენ ჰაეროვანსა ყვავილსა ფურცელსა და ნაყოფსა: (ეს კიფრები ასე აწერია) ეგრეთვე სიმართლისა მზისა ბრწყინვალეებასა: გულსა შინა მოფენითა. ამის წიგნისა სურვილით მკითხველნი გონებით გამოიღებენ ყვავილთა სათნოებისათა. და რომელნი სხვასაცა ახარებენ სიტყვით წარმოაჩენენ ფურცელსა მადლთა შეძინებისათა. ხოლო საქმით მასრულებელნი შესწირვენ ღმერთსა ნაყოფსა სულისასა ცხოვრებად საუკუნოდ:

რომელსა ჰქონან თვისასა შორის თავნი მსგავსად ათთა მცნებათა მოსენურთა. პირი განათლებულია: და თვითოეულსა თავსა შორის ათ თხრობაა. მეგრ ათთა ნაყოფთა სულისეთა პავლესთა სამცმდე აღწეულისა: და ეინათგან ათგზის ათი შეკრებისასად. მათ მიეძგავსების»....

(მეორე წარწერა).

«პატიოსანი წიგნი ესე აღიწერა მრავალ მთის უღაბნოსა გარეჯისასა და გლახაკი მწერალი ამისი შენდობასა ეითხვე რომელ დედანი ფრიად ძველი იყო და შრომითა მრავლითა გარმოიწერა. გარნა უმეტესისა გულს მოდგინებით შემოწმებული: ორ გზის და განმართლებულ არს და ეტყვილი სიმართლის მქონებელი და აწ რომელთა გენებოთ გადაწერა ამისი სიფრთხილით გადასწერეთ და სარწმუნო იყვენით და მადლი ღვთისა შემწე გეყოსთ საცხოვრებელად სულისა»:— წელსა **ქიქუ** სკვდებერს **წწ**:

ყველა მოთხრობანი, თითქმის, ერთგვარად არის დაწყობილი. მომყავს მინუშად ერთი ამ მოთხრობათაგანი:

«თხრობა სულიერი ედ სამართლისათვის ქვემარტისა:

«ღვთივ სულიერსა შეიღონო ეკლესიისანო უფალი ჩვენი იესო ქრისტე ბრძანებს. ნუ სჯით თვალთლებით არამედ სამართალი სასჯელი საჯეთ: საყვა-

რელნო სამართალი ჭეშმარიტი ჰმეენის ჩენ-
და ქრისტიანთა. რათა ამითცა სათნოებითა მი-
გემსგავსნეთ ქრისტესა მეუფესა ჩენსა. რომელი იგი
მართლმსაჯულ არს და არაგის თვალადებს პირსა კა-
ციასსა და ჩენცა არა რომელიმე სახეთა გარდავაქ-
ცევდეთ სამართალსა. არამედ ჭეშმარიტებით ესჯიდეთ
ღვთის მოშიშებით. და მართლ-მსაჯულებით:

რამეთუ წმიდასა მთავარ ეპისკოპოსსა ეპიფანეს,
ჰყვანდა კრებულად ოთხმოცი მონაზონი და შორის
მათსა იყო ენმე პატროსანი და კეთილ გონიერი
სახელოთ საბიანე. რომელიცა ესე დაადგინა სჯად
საეკლესიოთა საქმეთათვის: ღღესა ერთსა მოვიდნენ
ორნი მომჩივარნი: ერთი მდიდარი იყო: და მეორე
გლახაკი. და სამართალი მას შესწევდა. გარნა საბი-
ანე გლახაკთ წყალობისათვის ინება გლახაკისა მის
განმართლება და მცირედ სამართალი გარდააცილა:
ხოლო წმიდა ეპიფანე სდგა ადგილსა ფარულსა და
ისმენდა ბჭობასა მათსა. ესე რა იხილა. მაშინ შევიდა
ცხადად და თვით განბჭო საქმე იგი. მდიდარი განა-
მართლა, ვინადგან მართლობდა და გლახაკსა მას
მოწყალება მისცა საიღუმლოდ და განუტევა: მერე
საბიანეს ამხილა. სიყვარულით და რქვა: შეილო ჩემო
საყვარელო! საღმრთო წგრალი იტყვის არა შეიწყა-
ლო გლახაკი სასჯელსა შინა; ესე იგი არს ვითარჲედ
დალაცა თუ გლახაკი იყოს უსამართლო რომელთა
და მოწყალება ბრძანებულ არს ჩვენდა, ნუ მისდრი-
კებინ სამართლისაგან, არამედ სამართალი ჭეშმარიტი
ჰმეენის და გლახაკთა მამართ მოწყალება საიღუმ-
ლოდ: ესრედ განსწავლა ღირსი იგი საბიანე და მი-
ერიდგან მართლად სჯიდა სამართალსა და აღიდებდა
ღმერთსა:—

იხილეთ, პატროსანი მსმენელნო, უკეთუ გლა-
ხაკთა წყალობისათვის არა ჯერ არს სამართლისა
გარდაქცევა. გლახაკთა ვიტყვი. რომელნი ქრისტეს
ძმად წოდებულ არიან. რომელთადა წყალობაცა
ფრიადი თანა გვაძს და უკეთუ ვინნე მდიდართა კაც-
თა სათნო ყოფისათვის: ანუ ქრთამისა. გარნა რომელითამე
საქმითა თვალადებით. სამართალი გარ-
დააქციოს. არა უწყვი თუ ვითარი სასჯელი მიიწიოს
მის ზედა. რაჲმს მართლმსაჯული იესო სჯიდეს ყო-
ველთავე და მიავებდეს კაცად კაცადსა საქმეთა სიტ-
ყვითა მათთა ებრა:

ამისათვის გლოცავთ და გვედრებით ქრისტეს
მოყვარენო სამართალსა ჭეშმარიტსა ესჯიდეთ და
უკეთუ ვისიმე მომადლება და სიყვარული გვენბოს.
გინა გლახაკთ წყალობაჲ ნუ სამართლის ვადაქცე-
ვით მოვიმადლებთ დასასჯელად სულთა ჩენთა. არა-
მედ სხვათა სახითა აღვასრულოთ პატივისცემა მათი:
და სიყვარული კეთილად და ღვთივ შვენიერად და
სამართალი ჭეშმარიტი დავამტკიცოთ უცდომელად
ვითარცა წერილ არს. უკეთუ იქმოდეთ სიმართლესა
ჭეშმარიტებასაცა ზრახვიდით ძენო კაცთანო:

ჰე გვედრებით საყვარელნო ძმანო ვინათგან
სამართალი ჭეშმარიტი ჯერ არს. მაშა (ამაზენდაცა)
ამაზენდაცა ჭეშმარიტი სამართალი ჰმეენის ჩენდა.
რომელ სული ჩენი გლახაკ და უწყალო დაგვი-
ტევებიეს და ხორცი შვეებით და პატივით შეგვიმიყეს,
რომლისათვის უფალი ბრძანებს. ანუ არა რასათვის
თავით თვისით არა სჯი სამართალსა. ესაჯოთ საყ-
ვარელნო თავსა შორის ჩენსა ჭეშმარიტი სამართა-
ლი და ვითარცა სული უფროს არს ხორცი არა ეგ-
რეთვე უმთავრესიცა ნაწილი სულისა ჰმეენის მიცე-
მად. ვინათგან ყოველივე სულიერი საუკუნო არს
და ხორციული საწუთო: რამეთუ ყოველივე ხორცი
თავა არს და ვითარცა ყველი ველისა: სულისა ნა-
წილ არს მოწყალება ხოლო ხორცთა შემეობა: სუ-
ლისა ცხოვრება არს მარხვა. ხოლო ხორცთა ჰამა:
სულისა სარგებელ არს მოღვაწება. ხოლო ხორცთა
განსენება: სულისა სათნო არს ლოცვა. ხოლო
ხორცთა ძილი: არამედ ვანყოთ საცხოვრებელი ჩე-
ნი ძმანო მივსცეთ ღვთასა ღმერთს. ლოცვა და სათ-
ნოება სულსა: ხოლო კვისრისა კვისარს. ძილი და
ჰამა უცოდველი ხორცთა. და სიმართლით კეთილად
წარვლოთ წუთი ჟამისა ესე ცხოვრება. რათა საუ-
კუნესა ცხოვრებასა მივიწიგნეთ და ვითარცა სულ
არს ღმერთი. ეგრეთვე სულითა და ჭეშმარიტებითა
თაყვანიცსკეთ მამასა და მართლმსაჯულსა ძესა და
სულსა ყოვლად წმიდასა რომელი სუფევს და ილი-
დების უკუნითი უკუნისამდე. ამინ.

ჩემის აზრით საჭიროა ყურადღება მიაქციონ
ამ წიგნს ვისგანაც ჯერ არს.

ამბაკო ჯავახია

სანიტორიკო მასალა.

ბ უ ზ კ ბ ა .

(გაგრძელება *)

ქ: სახელითა სახიერისა არსება დაუსაბამოისა რომელი იგი მხოლო არს ერთი არსება ერთი ღვთაება ერთი ძალი ერთი ნება ერთი მოქმედება ერთი დასაბამი ერთი ხელმწიფება ერთი უფლება ერთი მეუფეობა სამთა სრულთა გვაშთა შინა ცნობილი და მსხურებელი (?) არა რომელსა საზომისაგან ცნობილი არამედ თვისთა არამედ ვითარცა ოდენ ნებათა განზომილი ყოველთა მპრობელი და მფლობელი უხრწნელად ყოველთა არსებათა ზედან შამავალი ზესთა ღმერთი და ზესთა სახიერი პირველი მთავრება და წესთა განმაჩინებელი თვით ნათელი თვით სახიერება პირველი და უკანასკნელი ღმერთი ძრიელი და ხელმწიფე მამა მესამეთა მათა საუკუნეთა რომელი ბრძანებათა დაბადნეს ყოველივე იძრვისი (?) და მოსიტყვე და უსიტყვენი ამა ერთისა ზეცისა ძალითა მეუფისა დიდისა ძვირ უხსენებელის და გარე შამოუწერელის ღვთისა მამისა და ღვთისა ძისა ღვთისა სულისა წმინდისა სამებით განუყოფელის ორ ბუნებით სრულის ერთ არსებათ დიდებულის ღვთის თავდებობითა მინდობითა და შუამდგომლობითა უმადლესის ცათა უწმინდესის ქერობინთა (sic) პირველ შობასა ქალწულისად შობასა ქალწულისა და კველად შობასავე ქალწულისა ყოვლად წმინდისა მღვთის მშობლისა მარადის ქალწულისა მარიამისა თავდებობითა მინდობითა და შუამდგომლობითა რომელსა ზედან უფალმა ჩვენმა იესო ქრისტემ მისცა თაჲ სიკვდილათ განიპყრა მკლავი თვისი განილო გვერდი მისი გარდამოსთხია სისხლი და წყალი ძელსა ზედან კერპთა დათურგნელი ეშმაკთა განმატებელის (sic) მცხოველს მყოფლისა პატრონისა ჯვარისა ძელი ქრისტის თავდებობითა მინდობითა და შუამდგომლობითა წმინდისა ზეცის ძალითა ერის მთავარისათა და მუღამ ღვთის წინაშე მდგომარენის და ღვთის ბძანებას წამდაწუმ მარიგებელს მთავარი ანგლოზის მიქაელ და გაბრიელის თავდებობითა და

შუამდგომლობითა სხვათა წმინდათა ანგლოზთა უფლებათა და ხელმწიფებათა ყოველთა უხრწნელთა ზეცითა ძალითა მათისა თავდებობითა და შუამდგომლობითა წმინდისა დიდებულისა ყოველთა ღვთათა წინაშითა უმეტესის წინასწარმეტყველისა და წინამორბედისა ნათლის მცემლისა იოანეს თავდებობით და შუამდგომლობითა პეტრე კლდე სიმტიკის და პავლე პირ ქრისტისა თავდებობითა და შუამდგომლობითა რომელთა უბრძანა უუფალმან ჩვენმან კრულ ყოთ კრულ იყოს და ხსნილყოთ ხსნილიყოს იმ წმინდათა ათორმეტის მოციქულის თავდებობითა მინდობითა და შუამდგომლობითა წმინდათა ყოველთა სჯულთა დამამტიკებელისა წმინდისა ნიკოლოზმისონ ქალაქისა ლუკს (sic) შემამკობელისა წმინდისა კაბადუკელისა მღვდელთ მოძღვრის ბასილ და ხმა ტკბილად მხმობარსა და ოქროსაებრ პირ ბრწყინვალეს იოჰანე ოქრო პირის და რომელთა იშვებს ერი და განცხრების ეკლესია და წა (წმიდათა?) ბრძენთა კრებული წმინდის გრიგოლის ღვთის მეტყველისა თავდებობითა და მინდობითა და შუამდგომლობითა ყოველთა ქრისტიანეთა მოგვეჩინეს მადლი და ნათელი უფლისა და განგაშორეს ურჯულთა და გიქადაგეს სახარება ოთხთა თავთა მახარობელთა მათე მარკოზ ლუკა და იოანე მახარებელის თავდებობითა მინდობითა და შუამდგომლობითა სხვათა წმინდათა მოწამეთა დიდთა შვიდ წილ უძლვეელის (უქლვეელის?) სამას სამოცდა ხუთის სასწაულ მოქმედის ბხენ ახოვანის დიდის მოწამის გიორგისა თავდებობითა მინდობითა და შუამდგომლობითა ხხეც წმინდათა დიდთა მოციქულთა წინასწარმეტყველთა მამათა მეუღაბნეთა მესვეტეთა განშორებულთა დაყუდებულთა მხედართა ქალწულ მოწამეთა და სხვანი რანიც წმინდასა დიდსა საუფლოსა სენაქსარშიდ სწერიან და მოიხსენებიან მათითა ყოველთა წმინდანის თავდებობითა მინდობითა და შუამდგომლობითა ესე უთუო უთუმცო მიზეზ შამოულებელი დრო შამოუგდებელი ყოელის ჩხუბისაგან და იდიათისაგან გამოსული წყალობისა საფიცარი წიგნი ფარეან გუჯარი დაგიწერეთ და გიბოძეთ ჩვენ მღვთის მიერ კურთხევით აღმატებულმან ძრიელმან და მღვთით არვისგან ძღუეურმან მღვთის ზეცით გვირგინოსანმა მეფეთ მეფემ პატრონმა სოლომონ და თანამეტყებელმან ჩვენმან დედოფალმა შაურაშიძის ასულმა ბატონმა თინათინ თქვენ აბაშიძეს ზაალს და თქვენს

*) იხ. „მეფის“ № 22 (1892 წ.)

ძმისწულებს ზურაბს და ვახუშტის და თქვენს ძეს და მომავალსა ასე და ამა პირსა ზედან რომე თქვენის სახლის კაცისაგან თქვენც ბევრი უსამართლობა გჭირდათ და ჩვენც ორგულად შეგვექნა და გადაგვაგდო და ცათა სწორმა ხელმწიფემ წყალობა გეცა ბედნიერი ვეზირის ბძანებით და გარიგებით ბედნიერმა ვეზირმა აჯიფაშამ თავისი ქმნა(?) ჯარით გვიბოძა და მტერის ციხე და მამული დაგვაჭირვინა და თქვენ მოხვედით და შამოგვეხვეწეთ და გაგვირიგდით და ჩვენ ეს იმედის საფიცარი წიგნი გიბოძეთ თუ ღღის იქით თქვენ ჩვენი ერთგული იყოთ არც წახლენით არც დაჩავერით და გაღარიბებით სიკეთისა და წყალობისა მტეი საზიანო და საფიქრებელი საქმე თქვენ ჩვენგან აღარაფელი გქონდესთ ამისად გასათავებლად მოგვიცემია თავად ღმერთი და ყოველი მისი წმინდანი ზეცისანი ძვეყანისანი ხორციელნი და უხორცონი აწ ვინცა ვინ ჩვენგან მოცემულს საფიცარს შლად ხელყოს კვირას შევიშალოს კვირაცხოველი თავად აღდგომა იესო ქრისტე რისხავს ამიერ და იმიერ სოფელსა ორშაბათს შევიშალოს მთავარ ანგელოზი მიქელ და გაბრიელ და სხვაც ზეცის ძალი ანგელოზი რისხავს სულთა და ხორცთა წინაშე ღეთისა სამშაბათს შევიშალოს მასამც რისხავს ყოველთა იმედათა(?) ნაშობნი წინასწარმეტყველი წინამორბედი იოანე ნათლის მცემელი და ყოველი წინასწარმეტყველი სულთა და ხორცთა წინაშე მღეთისა ოთხშაბათს ვინც შევიშალოს მასამც რისხავს თავად ყოველად წმიდა მღეთის მშობელი და მისაგან განხორციელებული იესო ქრისტე სულთა და ხორცთა თუ ხუთშაბათს შევიშალოს ვინმე მასამც რისხავს ათორმეტი მოციქულნი და სხვანიც რანიც მოციქულნი არიან ყველანი რისხავს სულთა და ხორცთა წინაშე ღეთისა. თუ პარასკევს შევიშალოს ვინმე თავათ მას რისხავს ჯვარცმა იესო ქრისტესი და მისი ჯვარი ცხოველის მყოფელი ძელი ჭეშმარიტის სულთა და ხორცთა თუ შაბათს შევიშალოს ვინმე მასამც რისხავს იოანე ქალწულ მახარობელი და ყოველნი წმინდანი რისხავს სულთა და ხორცთა წინაშე ღეთისა ამის შემწიფელს ღმერთო მიეცი ძრწოლვა კენისა, შიშთეთილება იუღისა დანთქმა დათან და აბიანისი და ამ საფიცრის დამტკიცებელი დამტკიცებელი დაამტკიცოს სამებით ღიდებულმა ღმერთმა

და მისმა წმინდათა უმიწოდ მათის მშობელმა ასე კეთილად დაამტკიცოს ვითარცა აბრაამ ისაკ და იაკობ სულთა და ხორცთა ისე გააძრიელოს კაცთაგან ამისი მოწამე და გამრიგე ერისთავი გიორგი სახთხუცესი ჯაფარიძე როსტომ მაჭავარიანი ქაიხოსრო იაშვილი ვახტანგ წერეთელი სვიმონ აგიაშვილი ქაიხოსრო. ღეიწერა ხემწიფის ბძანებით მდივანის ჩვენის დათუნას ხელით ქ-ს შპა.

ბეჭედი. მონა ღვთისა ემა ხონთქრისა მეფე სოლომონ.

მ. ავლ-ქე

ახალი ამბები და შენიშვნები.

მისა იმპერატორებათა უდიდებულესობის ხელმწიფე იმპერატორის ალექსანდრე III უმაღლესი ბრძანება, რათა ღღეიღან ყოველ წლობით გაღიღებულ იქნეს ხაზინილამ 250,000 მანეთი სამღვდელოების შესანახავად, ელვასავით მოედო ჩვენს სამღვდელოებას. ეხლა მრავალი სამღვდელო პირი გვეკითხება, თუ რამდენი შეხედებათ თითოეულ მღვდელს ამ უმაღლესად ბოძებული ფულისაგან? აი რას უპასუხებთ ამ პირთ: ამ ახლად დანიშნული ფულებილამ ჩვენს საქართველოს სამღვდელოებას არაფერი არ ერგება. ამ ფულებილამ იმ გვარივე შემწეობა, როგორც ჩვენს სამღვდელოებას ეძლევა ხაზინილამ, უნდა დაენიშნოს რუსეთის შინაგან ეპარქიების სამღვდელოებას, რომელიც ამავე ნომერში დაბეჭდილი უწმიდესი სინოდის უქაზის სიტყვით, მოკლებული იყო ღღემღე ამისთანა შემწეობას. თუ რიგიანად ითხოვეს, იმედია, რომ ამ ფულებილამ შემწეობა დაენიშნოსთ ჩვენში მარტო იმ კრებულთ, რომელნიც უჯამაგიროდ ღარჩენ.

ქუთაისის გუბერნიასი ბევრგან სამრევლოები ძლიერ ემღურებიან ეკკლესიების სტაროსტებს, რომ მათ ყალბი სანთელი მოაქვსთ ეკკლესიებაში სახმარებლად. უწმიდესი სინოდის უქაზით სასტიკად

აღკრძალულია ყალბი სანთლის ხმარება ტაძრებში და გვიკვირს, თუ რატომ ყურადღებებს არ აქცევენ ამ მოვლენას, ვისიც ვერ არს. მართალია, ყველა ეპარქიებში კი არ არის გამართული სანთლის ქარხნები, მაგრამ რა უშლის იმ ეპარქიის სამღვდელღობას და სტაროსტებს, სადაც წმინდა სანთლის ქარხნები არ იმეკონება, რომ საეკლესიო წმინდა სანთელი იქ იყოღონ, სადაც ნამღვლის სანთელს ამზადებენ, და არა იმ მეღუქნეებიდამ, რომელნიც ყალბსა და ყოვლად საძაგელს სანთელს ჰყიდნან? ნუ თუ ეს პირნი ვერ ხედვენ, რომ ყალბი სანთლის ხმარებით ტაძრებში ფუჭდება ეკლესიის მხატვრობა და შესამოსლები?..

* *

კავკასიის საიმპერატორო სამეურნეო საზოგადოების განყოფილებას ერთ თავის უკანასკნელ კრებაზე ქ. ქუთაისში აღუძრავს კითხვა, თუ რომელი წოდების ყმაწვილები უნდა იქმნენ მიღებულნი ქუთაისის სამეურნეო სასწავლებელში. კრებას ორიოდვე პირს გარდა დაუდგენია: მიიღონ ამ სასწავლებელში მართა თავად-აზნაურთა და გლეხთა შვილები და სასულიერო წოდებას უარი ეთქვას, რადგან ეს სასწავლებელი ინახება უმთავრესად საერო და თავად აზნაურთ ბანკისაგან შეწირული ფულებითო. მაგრამ რათ დაეფიქსდათ ამ ბატონებს, რომ ბანკში მონაწილეობა აქვსთ ბევრ სასულიერო პირთა და საერო გარდასახლდაც (земскія повинности) თავად-აზნაურებზე და გლეხებზე ნაკლები არ ხდება დღეს ჩვენს სასულიერო წოდებასაც? მოსწავლეთა რიცხვში ერთი წილი თავად-აზნაურთა შვილები უნდა იყოს და ორი წილი გლეხებისა.

* *

ჩვენმა მკითხველებმა უკვე უწყიან, რომ უმაღლესი მთავრობისაგან გადაწყვეტილი იყო ქუთაისის გუბერნიაში ერთი ორ-კლასიანი და ორი ერთ-კლასიანი საეკლესიო-სამრევლო სკოლის დაარსება. ამ სკოლების შესანახავად საერო ფულებიდან (изъ земскихъ сборовъ) ყოველ წლობით დაინიშნა 1800 მ. წელსაც ამდენივე ფული გამოსულა ამ სკოლების შესანახავად. დღეს უქალღეს მთავრობას სთხოვენ, რომ მომავალი წლებისთვის ამ 1800 მანეთს დაუმატონ კიდევ 1200 მანეთი, რომ ამ ფუ-

ლებით საეკლესიო-სამრევლო სკოლები გახსნან ბათუმის ოლქში. იმედია, რომ უმაღლესი მთავრობა ამ თხოვნას შეიწყნარებს.

* *

დავით ადამაშენებელის მეგობრის დასადგმელად და სამღვდელღობას განსახლებლად და წმ. მარტინოზა დავით და კონსტანტინეს კუბოს მასაზმებლად ჩვენ მივიღეთ ასს-ოთხმოც-და-თორმეტი მანეთი, შეკრებილი მღვდელ-მონაზონის ევსევისაგან. ამ ფულებისა იყო დღემდის 1720 მ. 52 კ. ამინათ არის 1912 მ. 52 კ. ეს ფულები ინახება ქუთაისის სახელმწიფო შემნახველ კასაში.

* *

თლვის ტაძრის მღვდლის ალექსანდრე ზედგინძისაგან ჩვენ მივიღეთ შემდეგი წერილი გავთოში დასაბეჭდად:

მ. რ! უმორჩილესად გთხოვთ, ნება გვიბოძოთ, რომ თქვენის პატივცემულის გავთის შემწეობით გულითადი მადლობა გამოუტყნალოთ ჩვენ თლვის ტაძრის განახლების კომიტეტმა შემდეგ პატივცემულ პირთ: ბ. ვასილ სოლომონ მღვდლის ძეს დღებულოდეს, რომელმაც შემოსწირა თუღვის სობოროს სამი დაფარნა, ოქრო მკელით ნაკერი, ღირებული 30 მან.; მღვდლის გიორგი ნადირაძის ქვრივს ველუქიას, რომელმაც შემოსწირა ქართული სახარება ახალი სტამბისა, ღირებული 20 მან. და გლეხის იაკობ ნადირაძის ძეულას ეფემიას, რომელმაც შემოსწირა ქართული გვირგვინები. იმედია, რომ ამ პატივცემულ პირთ სხვანიც მიბაძვენ და დახმარებას აღმოგვიჩვენენ, რომ ხსენებული ეკლესია შესაფერად განვაშენოთ.

* *

მღვდლის დავით ანთაძისაგან:

მ. რედაქტორო! უმორჩილესად გთხოვთ, ნება გვიბოძოთ, რომ თქვენი პატივცემული «მწყემსი»-ს საშუალებით გულითადი მადლობა გამოუტყნალოთ როგორც მე, ისე ჩემმა მრევლმა ქვემო აღნიშნულ პირთ, რომელთაც კეთილ ინებეს და ჩემდამო რწმუნებულ ვარძიის ღვთის-მშობლის ეკლესიას შემოსწირეს სხვა-და-სხვა საეკლესიო ნივთები: აი სია შემწირველთა: აზ. ივანე ყიფიანმა ერთი ხელი სრული სამღვდელღო შესამოსელი, ღირებული 10 მ., აზნაურმა ნესტორ ანთაძემ—დაფარნები—10 მ., მ. ხიჯაკაძემ—მანდალი ღირებული 10 მ., ეფ. ხიჯაკაძემ—კიბე, ღირებული 20 მ., ნიკ. ბეღიაშვილმა—სტალი, ღირებული 12 მანეთად.

სახელმძღვანელო, საყურადღებო, საჭირო და სასარგებლო ცნობათა განყოფილება.

სამღვდლო და სემპლსიმო მოსამსახურეთა სასურველად.

ძლიერ სამწუხარო არის, როცა ზოგიერთი სამღვდლო და საეკლესიო მოსამსახურენი ყურადღებას არ აქცევენ თავიანთ შემოსილობას სამღვდლო სამოსლით. არც ის არის სასიამოვნო, რომ ზოგი ნამეტან ყურადღებას აქცევს ღიღებულად და მშვენიერად თავის შემოსევას. გარდამეტობა არაფერში არ ვარგა და მღვდლისათვის ხომ მისატყევებელი არ არის. ზოგიერთი სამღვდლო პირი ოლარსა და ფილონს ჩაიცვამს, მაგრამ როგორ ადგია ეს სამოსელნი ტანზედ, იმას კი აღარ ეძებს. ზოგს ფილონი გვერდზედ აქვს მოქცეული და გასწორებას არ დაეძებს, თუ მედავითნემ არ გაუსწორა. ზოგს ოლარი ძლიერ მოკლე და შეუფერებელი აქვს და არ ეძებს, რიგიანი მოიპოვოს. სრულ შემოსევის დროს ზოგს სარტყელი ძლიერ დაბლა აქვს შემოჭერილი და ზოგს ძლიერ მაღლა. ყველა ეს ძლიერ აუწონებს შემოსილ მღვდელს და მლოცველებში ბადავს ცუდ გრძობას. ზოგს «ნაბედრენიკი» აქვს ჯილდოთ მიცემული, მაგრამ მისი ხმარება არ იცის; ნაცვლად იმისა რომ «ნაბედრენიკი» გვერდზედ ჩამოიკიდოს, წინ აქვს ოლარზე ჩამოკიდებული და რითი ხელმძღვანელობს ამ შემთხვევაში, არ ვიცით. ამისთანა უცოდინარობას ხშირად ღიდ საკრებულო ტაძრებშიაც შენიშნავთ. ძლიერ გვიკვირს, რომ ერთჯერ მაინც როგორ არ შეხედეს ამ პირებმა შემოსილ დახატულ მღვდლებს, თუ როგორ აქვსთ დაკიდებული ან «ნაბედრენიკი» და ან როგორ აცვია სამოსელი? «ნაბედრენიკის» ურიგოდ ხმარების შესახებ წერის დროს უნებლიეთ გვაგონდება ზოგიერთი აკადემიაში ნასწავლნი მღვდელნი. იმათ, მოგვსენებათ ყველას, იმის დასამტკიცებლად, რომ საზოგადოებამ შეიტყოს აკადემიაში მათი სწავლის დამთავრება, მისცეს ნება, თუნუქის, მეტალის ჯვრები დაიკიდონ ანაფორის შესაბნევ ღიღებულ მოკლე ჯაჭვით. ეს პატარა თეთრი ჯვრები ხალხის

შესახედავთ აქვსთ მიცემული მათ, თორემ სასტიკად აკრძალული აქვსთ წირვა-ლოცვის დროს მისი ხმარება. ყველამ იცის, რომ გიმნაზიებში ხშირად ოქროსა და ვეცლის მღვდლებს იღებენ სწავლის კარგად დამთავრებისათვის როგორც ეპეტი, ისე ქალები, მაგრამ არაფის არა აქვს უფლება ეს მღვდლები მკერდზედ დაიკიდოს. მაგრამ ზოგიერთი აკადემიელები ამ ბრძანებას არ ასრულებენ. ისინი ფილონზედ გადმოიკიდებენ ამ ჯვრებს, თუცა აღკრძალული აქვსთ, რომ მღვდელ-მოქმედების აღსრულების დროს არ იხმარონ იგი. შეიძლება ვინმემ გვიპასუხოს: თუ ასე მოსწონთ, დაე დაიკიდონო. მართალია, ამ ჯვრის, ანუ «ნაბედრენიკის» უადგილო აღვილას ხმარებით და დაკიდებით ქვეყანა კი არ დაიქცევა, მაგრამ ეკლესიაში ყველა მოსამსახურე ეკლესიის ტიბიკონს უნდა ასრულებდეს და არა თავის პირად სურვილის ასრულებას მისდევდეს...

— ძლიერ ცუდი შესახედავია მაღალი მღვდელი მოკლე შესამოსელში და დაბალი — გრძელ შესამოსელში. ამისთვის ყოველთვის უნდა ცდილობდნ, რომ შესამოსელი შესაფერი იყოს და ზომიერი მოსამსახურე მღვდლისა.

— მღვდელი და მთავარი დიაკონი ვალდებული არიან, რომ თავიანთ ჩაცმასაც ღიღი ყურადღება მიაქციონ. რიგიანად ჩაცმა დახურვას მაინც და მაინც ღიღი ხარჯი არ უნდა. ბევრი ძვირფას ანაფორას იცვამს, მაგრამ მაინც არ ითქმის, რომ კარგად იყოს ჩაცმული. ერთი ტანთსაცმელი რომ ძვირფასი იყოს და მეორე დახეული, არც ეს ვარგა. ანაფორა არ უნდა იყოს წითელი, ან თეთრი და ყვითელი, როგორც ზოგიერთებს უყვარს. ყველაზედ უმჯობესი ფერი ანაფორასი არის შავი, მიხაკის, ღარიბინის, მაცელის, ცის და წყლისფერი; ვგონებ, ყველა დარწმუნებულია, რომ პატრიისციმას თავიანთ სამწყსოთაგან კარგი და ძვირფასი ანაფორით კი არ დაიმსახურებს, როგორც ამას ამტკიცებდა ერთი ახლად ნაკურთხი მღვდელი ამასწინეთ, არამედ თავისი პატრიონებით, ჭკუით და კეთილი ცხოვრებით.

თუმცა სამღვდლოებას ყოველთვის ეცხადება ხოლმე სააულიერო მთავრობის უქაზები და განკარგულებანი სხვა-და-სხვა სხვადა უწყებათა და ფულთა თავის დროზე წარდგინების შესახებ, მაგრამ ბევრს ავიწყდება გამოცხადებული ვადა. ამისათვის მრავალთა სამღვდლო პირთა თხოვნით ჩვენ შევადგინეთ ტაბელი, მანქანები დროისა, თუ როდის და რა უნდა წარადგინონ მღვდლებმა ადგილობრივ ბლადოჩინებთან. ეს ტაბელი ამავე ნომერში იბეჭდება და ცალკე დაბეჭდილიც შეუძლიანთ მიიღონ მსურველებმა ჩვენი რედაქციისაგან.

ტ ა ბ ე ლ ი

მაჩვენებელი დროისა, თუ როდეს უნდა წარადგინონ კრებულთა საეკლესიო საბუთები, კლიროვის უწყებანი, ეკლესიებში ლანგარზედ შემოსული ფულები სსზა-და-სსზა საეკლ-მოქმედო საზოგადოებათა სასარგებლოდ და საზოგადოდ მრევლის მღვდლის მოვალეობის აღსრულებისა სამსახურისამებრ.

ო რ ს ი ა ნ ვ ა რ ს

უნდა წარადგინონ კრებულთა სამხედრო სამსახურში გასაწვევი კაცების მეტრიკის აღმოწერილობანი იმ ფორმით, როგორც ჰქონდა სამღვდლოებას გამოცხადებული «მწყემსის» კურნალით.

ო თ ხ ს ი ა ნ ვ ა რ ს

უნდა წარმოდგინდეს ყველა კრებულთაგან კლიროვის უწყებანი, შედგენილნი კანონიერად და ხელმოწერილნი რიგისამებრ კრებულის ყველა წევრთაგან, სამი ცალი კლიროვის უწყება, უნდა იყოს შედგენილი უკანასკნელად გამოცხადებული სინოდის კანტორის განჩინებისა მებრ.

მართლმადიდებელ (თევდარობის) კვირიაკეს

მღვდელმა უნდა ჩამოატარებინოს ლანგარი შესაკრებლად შეწირულებათა მისსიახუნკის საზოგადოების სასარგებლოდ. მღვდელმა უნდა ჩააგონოს შლოცველებს დიდი მნიშვნელობა იმ საზოგადოებისა, რომელიც ამ საქმეს ტვირთულობს. ამ დღეს შეკრებილი ფული მეორე დღეს კრებულმა რაპორტით, ანუ წერილით უნდა წარადგინოს ადგილობრივ ბლალაოჩინთან.

ბ ს ო ბ ი ს კ ვ ი რ ა ს

მღვდელმა უნდა ჩამოატარებინოს ლანგარი შესაკრებლად შეწირულებათა ზაღესტინის მართლმადიდებელი საზოგადოების სასარგებლოდ და მეორე დღესვე უნდა წარუდგინოს ადგილობრივ ბლალაოჩინს წერილით, ან განცხადებით. ლანგარი უნდა იქნეს ჩამოატარებული ღამისთევით ცისკარზე და წირვაზედ. მეათედი ნაწილი შემოწირულებათაგან ადგილობრივ კრებულს შეუძლია მოიხმაროს ადგილობრივ სამზრუნველოს სასარგებლოდ, ანუ სამრელო სკოლისათვის.

ბ რ მ ი ს კ ვ ი რ ი ა კ ე ს

მღვდელმა უნდა ჩამოატარებინოს ფულის შესაკრებად ლანგარი ბრმათა სასარგებლოდ და თვითონაც უნდა ჩააგონოს ხალხს თუ რამდენად საჭიროა დახმარება ბრმათათვის ბედის შესამსუბუქებლად. ფულები რაც შეიკრებება განცხადებით უნდა გაეგზავნოს მეორე დღესვე ადგილობრივ ბლალაოჩინს წარსადგენლად, სადაც ჯერ არს.

მ ა ი ს ი ს ჰ ი რ ვ ე ლ ს

უნდა წარმოდგინდეს კრებულთაგან მეტრიკების, აღსარებითი სიების და კლიროვის უწყებათათვის ფურცლების გამოსაწერად ფულები სამ-სამი კაპეიკი თითო ფურცლისათვის მომავალი წლისათვის და მასთან უწყება, თუ რამდენი ფურცელია საჭირო თითოეული შემოსენებულის რვეულებისა.

სული წმინდის გარდმოსვლის კვირას

მღვდელმა უნდა ჩამოატარებინოს ლანგარი შესაკრებლად კეთილ-მნებებელთ შეწირულებათა სამრევლო სკოლის სასარგებლოდ და წარადგინოს მეორე დღესვე ადგილობით ბლალოჩინთან მისაქცეველად დანიშნულებისა მებრ.

შ ე ნ ი შ ე ნ ა. ეკკლესიის შესავალ-გასავლის წიგნებს გარდა უნდა იყოს კიდევ ერთი საზოგადო შესავალ-გასავლის წიგნი, რომელშიაც უნდა იწერებოდეს ყველა ფულეზი სხვა-და-სხვა ყულაბებიდამ და ლანგარიდამ შემოსულნი, რომელთაც სხვა-და-სხვა დანიშნულება და მიმართულება აქვს. ეს ფულეზი თითოეული ცალკე უნდა ჩაიწეროს წიგნში და ხელს აწერდენ მღვდელსა და სტაროსტას გარდა ორი-სამი პირი კიდევ მრევლოთაგანი.

ა თ ს ე ქ ტ ე მ ბ ე რ ს

უნდა წარადგინოს კრებულმა შედგენილი რიგისამებრ აღსარებითი სიები ნამდვილი და პირს ხელმოწერილი კრებულის ყველა წევრისაგან.

მ ი რ გ ე ლ დ ე კ ე მ ბ ე რ ს

უნდა წარადგინოს ადგილობით ბლალოჩინთან კრებულმა და სტაროსტამ ფულეზი სავალდებულო სასულიერო ქურნალთა გამოსაწერად.

ოც-და-თერთმეტ დეკემბერს

უნდა წარადგინონ ეკკლესიის კრებულთა: 1) ჯგროვანად შედგენილი და ხელმოწერილი მეტრიკების რეეულეზი ნამდვილი და პირი.

2) ანგარიში შესავალ-გასავლის წიგნისა მთელი წლისა, რომლიდამაც უნდა სჩანდეს რამდენი ფული იყო გადარჩენილი წინა წლიდამ, რაჲდენი და რისგან სახელდობ შემოვიდა, რამდენი და რაზედ სახელდობ დაიხარჯა და რა დარჩა მომავალი წლის პირველი იანვრისათვის, ანგარიში უნდა იყოს შედგენილი სინოდისაგან გამოცემული ფორმისა მებრ და ეთანხვებოდეს წიგნის ანგარიშს.

3) ამავე დროს სტაროსტებმა უნდა წარადგინონ შესავალ-გასავლის წიგნები შესამოწმებლად: ეთანხმებთან თუ არა იგინი წარმოადგენილ ანგარიშს?

4) ამავე დროს უნდა წარადგინონ კრებულთა ადგილობით ბლალოჩინთან ეკკლესიაში დადგმულ კრუშკებიდამ ამოღებული ფულეზი: 1) მართლმადიდებელი ქრისტიანობას აღმადგინებელ საზოგადოებისა კაკეასიაში, 2) სასულიერო წოდების ქერიეთა და ობოლთა სასარგებლოდ, 3) მისიონერის საზოგადოების სასარგებლოდ, 4) პალესტინის საზოგადოების სასარგებლოდ და 5) სამრევლო სკოლების სასარგებლოდ და სხვათა.

5) 31 დეკემბერსავე უნდა წარადგინონ კრებულთა 5 % ეკკლესიის შეწირულებათაგან სასარგებლოდ სამრევლო სკოლებისა და 1% სასულიერო წოდების პირთა საექიმოდ საეათმყოფოებში იმ ყულაბისაგან, რომელიც დადგმულია ეკკლესიებში შეწირულებათა შესაკრებად ეკკლესიის გასამშვენებლად.

6) ამავე დროს უნდა წარადგინონ დაწესებული იმერეთის ეპარქიის საქალბო სკოლის შესანახავად ფულეზი ეკკლესიიდგან და თავიანთ საკუთრებიდამ.

შ ი ნ ბ ა რ ს ი: აფიციალურა განყოფილება: 1861 წლამდე არსებული წესის აღდგინება ხაზინიდგან ელ-ნელა ფულეზის დანიშნენი'ა სამღვდელეზების შესანახავად.

საღბტერატურა განყოფილება: ნიადაგი მუყიათობა არის დამავგირგვინებული ყოველი დაწყებული საქმისა.— მცირე პედაგოგიური შენიშნვა.—წერილი რედაქციის მიმართ.—სახსტორიო მასალა.—ახალი ამბები და შენიშნებო.—სამღვდლო და საეკკლესიო მოსაშახურეთა საყურადღებოდ.